

EPICEDIA,
PRÆMATORUM OBITUM,
VIRI
CONSULTISSIMI ET DOCTISSIMI,
**DN. JOHANNIS
CZIMMER-
MANNI,**
REGIÆ CIVITATIS THORUNIENSIS
SECRETARII

BENE MERITI,
Qvid. XI. Febr. hora qvarta pomeridiana anno CCCCCVII
accidebat

*IPSO EXEQUIARUM DIE
XVII. Febr.*

*Prosequi, & mæstissimos Parentes unicum lugentes filium,
Viduamq; insperato mariti funere afflictam solari studebant,*

**RECTOR ET PROFESSORES
GYMNASII THOR.**

THORUNII,

Imprimebat Johannes Conradus Rügerus, Nobiliss. Senatus & Gymnasii Typographus.

Vid Tibi blande Parens? qvid vos mihi sanguine
juncti?

Qvæ saevicœpit' nunc urere flamma doloris
Viscera, qvi tandem Vestros tremor irruit artus?
Cur rigor infestat quasi ducto compede lingvam
Infirmam, multumqve loqui vox deficit ausis?
Et ferili Fedat cur culmine tecta cupressus
Funesta & qvoddam designat flebile damnum?
Non mea mors optata mihi finisqve laborum
Materies poterit Vobis tantæ esse querelæ,
In terris equidem nondum sex lustra peregit
Ætas, atqve dies cunctis visæ amplius ire.
Ast hæc vis fati, constans hic ordo Jehovæ,
Demonstraturo, sibi soli cuncta subesse,
Spesqve hominum dubias ejus moderamine flecti.
Imber decutit ut nitidos de culmine flores,
Ut segetes lætas immissa grandine sterni
Conspicimus, miseri ac eludi vota coloni.
Sic, fateor, mecum spes mersas esse meorum.
Sed si qvi vixit bene, jam vixisse putatur
Ille satis, mihi jam in terris satis esto dierum.
Et cur non satis? ærumnas curasqve relinquo,
Fessaqve nunc placida recreantur membra quiete,
Illi haud vos fugiunt atroces pectoris æstus,
Atqve graves animi fluctus morsusqve maligni,
Qveis erat expositum langvens & debile corpus.
Omnia jam vici mala, dispulsoqve veneno
Morbi, nec turbat qvicqvam solatia mentis,
Verbo: me tenet æternæ pax grata salutis.
Nec mihi nobilior poterat contingere voto.
Hæc qvæso in mentes ægras demittite vestras,
Amplius haud signet tristes pia lacryma vultus.
Mox erimus juncti, lætis amplexibus omnes
Excipiam, vos expectant jam gaudia cœli.

Ita Magnif. Virum, unicum lugentem filium, & ceteros propinquos,
hoc funere percusso, persona B. defuncti solari conabatur.

M. P. JAENICHIUS, R.
Pli-

Plinius Lib. V. Ep. XXVI.

Crudum adhuc vulnus medentim manus reformidat, deinde
patitur, atq; ultro requirit: Sic recens animi dolor consolationes
rejicit ac refugit, mox desiderat, & clementer admotis ac-
quiescit. conf. Lib.I. Ep.XII. circa fin.

S It cos, sit laxum, sit vel Marpesia cautes,

Qui nolle patrii fata dolere foli.

Pulchrum est palmiferæ pacis dulcedine duci:

Pulchrius est veræ pacis honore frui.

Ast ubi qværenda est? totus namqve æstuat orbis
Bellorum flammis. Pax super astra volat.

Qvodcunqve aspicio, nihil est nisi Martis imago:
Mars tumidus verbis, ensibus ille minax.

Heu mihi qvam grandi feriuntur bella boatu!

Qvantus ab Arctoo personat axe fragor!

Et qvæ non tandem cogemur adire pericla?

Ni nos dextra DEI firma potensqve tegat.

Publica sunt oculis hæc obversantia damna,

Qvæ cum mœstitia fœmina masqve gemit.

Ast alium sentit jam mœsta Thoruna dolorem,

Pectoribusqve suis concipit atqve coqvit.

Non est de nihilo, cum SECETARIUS * urbis

Dat præmaturæ colla novella neci.

Vivere qvi fuerat prolixos dignus in annos.

Dum Patriæ tulerat commoda magna suæ.

Officiis promptis cum nostræ subvenit urbi,

Ut candela suo deficit officio.

Ille fuit sacri, Civilis & ancora juris,

Vas legum, patrii stella jubærqve fori.

Externas felix lingvas callebat ad ungvem,

Qveis Ipsi a multis conciliatus honor.

Cum qvondam nostræ calcavit limina Musæ,

Impiger in studiis egregiusqve fuit.

Non stetit in latebris, docto sed prodiit ore'

Declamans, certans, carmina clara serens.

Non nudus spectator erat, sed sedulus auctor

Sudoris docti propositiqve scopi.

Post adiit terras ferventi sole calentes,

Immensasqve sibi conciliavit opes.

Hinc honor oblatus Nostro est, qvem rite polivit

Ingenuaqve fide, judicioqve gravi.

Jam jacet extinctus febti morboqve maligno,

Dilectiæ PATRIS mors fit acerba sui.

Flebilis en! Mater Natum deplorat ademptum:

Et Generum Socrus, mœsta Marita Virum.

Qvid facitis? Luctu ne Vos maceretis' acuto:

Ad Dominum rediit qvod fuit ante suum.

Depositum voluit DEUS ad se sumere charum,

Qvod Vobis certo tempore restituet.

Spiri-

Spiritus in cœlis vivit, vivusqve triumphat,
Despicit & lordes qvisqvlitasqve soli.

Inter nos vixit longævo tempore: qvando
Nemo parum vixit, cui bona vita fuit.

In solatium Antiquæ & Ampliss. familie Czimmetianæ unicæ
Filii præmaturam mortem acerbe dolentis scr.

M. MARTINUS Bohm.

* Cum malis ministeriis poterit Princeps in negotiis suis efficere aliquid; at non cum imperito Secretario.
Stomachus est, ubi digeruntur negotia, & si concolla male inde prodeant, caduca erit & brevis vita
gubernationis. Reptantur memoria tempora retro praterita, & statim apparebit, nullum unquam
statum rite & feliciter gubernatum fuisse, nisi eum, qui insignes habuit Secretarios. Plura, qvæ hu-
jus sunt argumenti, legantur ap. Did. Saavedram Symb. Polit. LVI.

Nullus erat, nec erit, caulas qvi mortis ad ungvem,
Qvotqvot sunt, omnes commemorare queat.
Nam si judicio rationis credere fas est
Edoctæ multis usibus atqve modis:
Si varii casus, si tot discrimina vitæ
Pensentur recte, qvæ subit omnis homo,
Myriadas tot causarum memorare valebit
Nemo, nec capiet nomina sola aliquis.
Omnia, qvæ sunt à Superis concessa saluti
Humanæ, vergunt ejus in exitium.
Perversus quando rerum dominatur abusus,
Quando decens ordo deficit atqve modus.
Lethales pariunt vitiati in corpore morbos
Humores qvatuor: Phlegma, Melancholia;
Sangvis cum Cholera, nec non ær vitiatus:
Cumqve cibo potus, somnus & excubiae.
Accedunt æstus, fluctus & frigidus horror:
Omnia qvæ dici mortis origo solent.
Exemplo doctos præsentis Funeris ergo
Sensibus expertis credere nemo vetat.
Hic Vir erat juvenis tam animo qvam corpore præstans
Dum jussu Procerum suscipiebat iter.
Verum correptus riphæo frigore febrim
Contraxit rediens, qvæ audit acuta, domum.
Hæc adeò diris usit fervoribus artus,
Hic Vir ut Egregius vivere desierit.
Qui publicis rebus prodesse paratus & aptus
Spem Patriæ magnam fecerat atqve Patri.
Sed spes cunctorum mors præmatura fecellit,
Præcipue Patris jam sine prole senis.
Attamen haud Isti deerit solamen, honesto
Qvòd fuit extintus Natus in officio,
Illi nil potuit contingere honestius unquam,
Succubuit publico qvam qvòd in hoc opere.
Semper honos, nomenque Ejus, laudesqve manebunt
Qui Patriæ propriis commoda præposuit.

Paucula ista memorie & honori sui qvondam discipuli charissimi, tunc
Amici & Fautoris desideratissimi lugens scribebat

M. MARTINUS BERTLEFFIUS.